



# ARUBA ANSE COURANT

GEBRUIK

dagelijks

DOMO POWDER MILK

agente

VELD STORES

Dagblad voor Aruba

FRESH UP

WITH

7 - UP

agente

VELD STORES



## Mode y Floorshow na Basi Ruti diasabra tabata sumamente interesante

Stichting Studiesteun Aruba a bira  
Fl. 1.500,- mas rico

ORANJESTAD: — Si ta existi mes tanto interes pa e Stichting Studiesteun Aruba manera tabatin pa e mode- y floorshow di Diasabra anochi na Basi-Ruti, anto nos ta kere cu e stichting no tin nodi di ansha, pasobra anto ta sigur cu ya su pia a cohe terra caba. Diasabra anochi Basi-Ruti tabata completamente yen di hende y e cantidad a worde calcula na mas cu shete cien cu a goza ei di 9 'or te tres 'or di un anochi interesante y tur a contribui na e fondo di e stichting.

Proteccion di polis pa e joyanan  
E preparacionnan a dura simannan dilanti. E organizadora di e anochi sra. R. Steenhuisen-Frigeria y e organizadora di e modeshow sra. P. Schlager realment a hasi tur nan esfuerso pa por a ofrece algo excepcional y cu exito debi na e cantidad di hende y e atmosfera cu tabata reina



E principal parti di e show di moda tabata sin duda e bisti di bruid excepcionalmente bunita y delicado, cual Yvonne Kemming tabatin bisti manera ta riba e foto aki.

Foto Bonke.

de menciona aki especial firma Kan, Oduber-Kan y Gouden Beker di Cor-sow, cu pa un valor di Fl. 30.000,— na obhetonan di valor a trece ei. Esei-nan tabata di asina tanto valor cu henter e anochi un rechercheur sr. De Boer tabata tira un bista. Tambe La Linda no a spaa gasto ni trabao pa por a demonstra un surtido mas extenso posibel di panjanan di bisti. Te Diasabra merdia a yega ainda pe-didonan especial for di Merca.

Bon entrada pa Stichting  
Directiva di e Club a pone e edi-ficio e anochi ei completamente gra-tis na disposicion y gracias pa e coo-peracion di hopi hende mas e Stich-ting por a agrega un suma di — se-gun calculo provisional — mil cinco cien florin na e fondo pa studie-beurzen. Den e suma aki tin tambe e produccion di e kaarchinan, lote-rianan y American Sales.

E Floorshow  
Pa banda di 9 or ya no tabatin ningun lugar mas disponibel y ora cu precies na tempo e floorshow a principia ya hasta tabata dificil pa basta hende di por a hanja un chens

LINOLEUM

TEXAS FURNITURE STORE

Emmastaat 5 - Tel. 1082 - 1083

di weita algo. Loke a worde ofreci tabata un potpourri di ballet, cantica, baile, etc. Ela cuminsa cu „Jota“ door di Frieda Lichtenstein, Kooze Berk hout, Linda Begin y Alicia MacDo-nald.

Despues „Tarantella“ door di e alum nonan di Els Athmer, Huti Hoen y Francis Beren, sigui pa „Tango“ door di Evelyn Hochman, „Redewas“ pa Gevers, „Liebestraum“ pa Dana Sarens y „Paraplu Dans“ pa Alici MacDonald.

Freddie Dirksz, acompaña pa Ma rio Bislick a canta canticanan Napoli tano y Roy Frigerio songnan Ameri cano. Despues tabata Medina y Rub Bislick kendenan a trece un simpá tica schetsje. E baile di Calypso nos mira di Glenda Mansur y Roy Frige rio, e Rock 'n' Roll baila pa Ruby Arends, Maria Arends, Maria Mada riaga, Hendrik Oduber, Maria Wever Maria Oduber, Rio Croes, Anthony Fowler, Simon Arends, Bini Arend Jr y Jacobo Arends. Por ultimo „Ch Cha Cha“ door di Joyce Barbour Margaretha Barbour, Marlin Henri quez, Astrid Frigerio, Tinus Bijl, Mi mi Lampe y Glenda Dennert. Tur hoben artistanan aki cu hende por weita cu nan a studia nan parti serio samente y cu entusiasmo, nan tur hanja calurosos aplausos di e presente nan. Y cu esei ya nan a prepara a

## ULTIMO SIMAN DI BARATILLO. Aprovecha E Ocasion Unico

- Telas bunita y barata . . . . . Fls. 0.20 pa yarda
- Charme felpado . . . . . Fls. 0.50 pa yarda
- Linen di tur clase . . . . . Fls. 0.75 pa yarda
- Nylon afelpado y liso (un surtido grandi) Fls. 1.25 pa yarda
- Zapato di muhé hieltji halto . . . . . Fls. 1.50 pa paar
- Brassieres y pantaletas, etc. . . . . Fls. 0.50
- Medias di homber . . . . . Fls. 0.25 pa paar
- Petji di homber . . . . . Fls. 0.50
- Camisa di mucha . . . . . Fls. 1.25
- Bathrobe di homber (antes Fl. 9.75 awor) Fls. 6.50
- Keds di homber y di mucha . . . . . Fls. 2.90

Y tambe tin un surtido completo y nobo di articulos pa Baby, mucha-mohé, y mucha-homber.

Cu cada compra di un THOM Mc AN un regalo.

Cu cada compra di un carson di keiru di Fls. 10.— of mas un regalo di dos paar di medias.

## TUR ESAKI Y MAS DEN E GRAN BARATILLO DI CASA MATIAS

anochi pa un atmosfera agradabel cu a perdura henter e anochi.  
E show di moda.

Despues di un pauza largo nan a cuminsa cu e modeshow cu segun nos a dura un poco di mas. Nuebe manne-quin, entre cual diferente ex-profes-sionals — for di Lago Colony — a demostra un cantidad grandi di bisti. E prome tabata un shimis di coektail atractivo y un bisti di bruid delicado y bunita, despues nos a mira badpak y pa bisti na playa, shimisnan pa zo-mer y diferente otro bistinan pa bia- he hopi atractivo. E mannequinnan tabata presenta sigui di otro, a saber Valerie Eman, Ruby Wever, Janet de Veer, Yvonne Kemmink, Jenny Vocks, Jean Strich, Mark Greswald, Jassy Wimmers y Betsy Fraser, y se- gun nan tabata drenta sra. Schlager tabata duna e splikacion pertencien- te.

Tur tabata bistinan di La Linda, donna cu accesorionan di firma Kan y Oduber-Kan. E damanan Aura Croes y Van Gaalen tabata zorg pa e coiffure, mientras cu Rozenoord pa e corsagenan y sres. Kemmink y Van

Doreen tabata encarga cu e iluminacion.

Te banda di dies dos or e show di moda a termina anto e ora al a cuminsa cu e loterianan y e American Sales. Palais Royal a duna un Philips Radio, Aruba Trading Co. un Sun-beam toaster, y Wimeco un G.E. paan- chi; tur cos a bai facilmente.

Ademas a coopera segun nos a ten- de di sra. Steenhuisen. Aruba Druk- kerij, cu a imprimi e kaarchinan gra- tis, Basi Ruti Club cu a pone e edi- ficio na disposicion y srs. Ch.J.M. Ne- me y kendenan a hasi tur nan posi- bel pa tur cos por a bai mas facil po- sibel.

Despues di e shownan sra. Steen- huisen a muestra cu e ta masha satis- fecho con tur cos a bai, por cierto e presentenan tambe tabata pensa mes- kos, entre nan nos a mira deputado P. Croes (kende su esposa tabata saca e lotnan) y e commandant di mari- niernan na Aruba, majoor V. J. L. Blom, y nan tambe a keda huntu cu e cantidad di hendenan presente te banda di tres or di marduga, bailando na tononan di Wilfred's Band.

## E pamfletanan „Back the Attack“ for di diasabra mainta a caba

ORANJESTAD: — „Back the Attack on Traffic Accidents“ a bira un cos conoci riba caminan di Aruba for di Diasabra mainta. Cantidadnan di auto y trucknan ta corre na e momento- nan aki cu e pamfletanan aki geplak riba nan bumper patras, mientras cu den corantnan a sali basta articulonan riba e asun- to aki.

Den e concecion aki mester bisa cu „Aruba Esso News“ tabata esun prin- cipal cu tabatin riba su prome pagina e pamfleta gedruk na diferente color- nan. Tambe nan a dedica dos pagina completo na B.T.A.O.T.A.

E interes pa e pamfletanan tabata grandi, asina tanto cu pa banda di dies dos or ya no por hanja ni un mas na Oranjestad. Nos oficina di redaccion den Nassaustraat a worde aserka cu e pregunta na unda ainda por hanja nan

pero nos tampoco no por a contesta nan. Tin di menos, pero ya nan a pidi un cantidad mas y nan lo yega pronto. Mientras tanto cada automobilista por coopera di su parti, no simbolicamente, pero di berde mes door di corre mas seguro y prudente posibel. Nos mester mustra e mundo exterior cu na Aruba nos por corre di un manera seguro.

## DIARAZON ANOCHII BASKETBALL RIBA TERENO DI ESTRELLA

ORANJESTAD. — Diarazon anochi dia 10 di April nan a organiza un we- ga di basketball riba tereno di Estrella na Santa Cruz, e producto ta pa be- neficio di Studiesteun Aruba. Na siete or y mei e damanan lo hunga Aruba Jrs., contra Victoria y despues e caballeron- nan na ocho or y mei A-team di RCA y team di Watapana.

## POSICION DI E CAMPEONATO AA

(Di nos Sportreporter)  
ORANJESTAD. — Incluyendo e par- tido di ayera mainta entre Chesterfield y Heineken's e posicion di e novena- nien den e campeonato AA ta lo si- guiente:

Equipo	Wh	Wg	Wp	Ave.
Camel	3	3	0	1.000
Dodgers	4	3	1	.750
Lucky Strike	4	2	2	.500
Nesbitt	4	2	2	.500
Chesterfield	3	1	2	.333
Heinken's	4	0	4	.000

## TRAPPERS 5 UNION 3

(Di nos Sportreporter)  
ORANJESTAD. — Di e torneo pa Copa Juliana den A klase a enfrenta otro diasabra atardi den Wilhelminas- tion e dos onenanan di Santa Cruz, Trappers y Union. E ultimo onena aki a worde elimina cu score di 5-3.



Wait mama...  
Here is the  
MAGGI Seasoning!

For tastier,  
more appetizing Salads,  
Fish, Meats, Soups and Gravies,  
just add MAGGI Seasoning.

Everything tastes better... with MAGGI Seasoning!



SMOKE




...They Satisfy







# PAGINA TRES

## Demonstracion di Padvindernan den Wilhelmina Stadion tabata bon concurren

**Tabata un start interesante pa un camponja grandi di colecta**

**ORANJESTAD: —** Mas o menos 1500 hende por a presencia ayera tardi den Wilhelmina Stadion loke como cinco cien padvinder cu tabata reuni aya, ta capaz di haci.

E atardi aki a wordo organiza den stadion como e senjal di principio di e accion pa colecta placa cu e Gouden Jambore Comité kier cuminsa e siman aki pa nan por hanja suficiente fondo (fl. 16.000.—) cu cual nan por manda dies seis verkenner na Augustus di e anja aki. Ta pesei e atardi yen di variacion aki a tuma lugar di cual e organizacion tabata den man di sr. Quandman kende ta un Americano naturaliza Hulandes kende ta pertenece na padvindernan di Staten Island y momentaneamente a bini Aruba pa Singmaster & Breyer.

Dies un grupo di padvinder y supe di welpenhorden tabata pertence na esnan cu a presenta e programa cu a bai sin dificultad y apreciable.

**Demonstracion atractivo**  
Despues di e ceremonia di apertura pa 4 or a haci uso di palabra prome e president di Aruba Padvinders Bond sr. J. Opdijke y e president di e Gouden Jambore Comité sr. J. A. van der School. E ultimo a duna danki na ASU cu a pone e stadion disponibel gratis y eia haci e sugestion pa den anjanan benidero rigiti un atardi semehante.

Despues NPV e verkennerman Awe-

ricano y e RK verkennerman a haci algun demostracion, di cual e prome EHBO a bai perfecto y tabata un exito, e di dos tabata seinmento y e di tres grupo a duna demostracionnan di gymnastiek.

### CANASTADRIVE A DUNA FL. 140.— PA STUDIESTEUN

**ORANJESTAD: —** Diez dos mesa tabata ocupa diabiernes anochi den Aruba Tivoli Club, 48 persona a tuma parti na e canasta drive cu a wordo organiza pa e damanan Denner-Maruge y Clarita Arends na beneficio di Stichting Studiesteun Aruba.

Danki na co-operacion di Trocadero cu a duna croqueten y directiva di Tivoli Club cu a regala e prome rondje, fa. Kan. Aruba Trading Co. y La Linda cu a regala e premionan, e producto di e anochi ei tabata fl. 140.75.

E siguiente: damanan a gana un premio:

1. Sra. Doris Weaver cu 42.000 puntos.

2. Sra. Sarah Esther Lopez-Henriquez



E verkennerman Americano tabata quick den lamentamento di nan tentnan, cual tabata un parti di e atardi di e padvindernan. Aki ta keda e grupo ganador.

## Cumpleanjos feliz

Pa cortesia di

**KAN**

E MEHOR caso di Regio

Nps no a lubida di pone number di e hobencita Aurora Croes, cu a celebra su 13 anja y ta ser felicita pa su tata y mama, rumannan, wela, tanta, omo, primo y primanan, amiganan Mildred, Shirley van der Biest, Telma, Dela y Betty Croes, Gracy, Soiber, Filomena, Marcia Bareño, su juffrouw Mina y Irma, menceer Finck, su amigana di school di Piedra Plat.

Sincera felicitacion ta bai pa senior Vicente Maduro, kende a cumpli 29 anja, di parti di su querida esposa Meme, su mama Tina, su tata Ramon, rumannan Juan, Andres, Asinto, Feliciano, Evarista Kelly, Luisa Maduro, Brigilio, Antonio, Carmelo, su suegra Chela, suegro Cleto, cunanan Berta, Sara, Pina, Coleta, Trinita, Jordano, Leandro, Aquino, Cleotilda Maduro, senjora Julia Werleman, compader Augustin Koek, Antonio Kelly, comader Alicia Luisa Maduro, su wela Sana, Carmen, Rosa, Toy, demas familia Maduro, Werleman, subrinanan Alejandro, amigo y amiganan y conocinan.

— x —  
Diahuebes A.C. a duna keho pa polis cu e la perde f. 50.— probablemente na San Nicolaas.

Tambe D.J. a duna keho cu e la perde su cartera cu f. 25.— aden, un rifita di Loteria y algun papel mas tambe na San Nicolaas.

Y.W.P. a anuncia polis cu ora e la sali foi e tienda di Super-Ice Cream na Oranjestad, na unda e la compra un super e la ripara cu e la perde su cartera cu f. 11.— aden.

Despues di interrogacion e vendedor a bisa cu e no sa di nada.

Recherche ta investigando e caso.

— x —  
Diadomingo a cumpli e respetable edad di 83 anja, senior Jozef Geerman. Felicitacion ta bini di su yunan Johani, Ogenia, Clotilda, Faustina, Casimira, nietonan, bisnietonan y demas familia.

— x —  
Ayer a celebra su fecha natal Simplicia Leest y ta ser felicita pa su tata Pablo, su mama Antonia, rumannan, omonan, madrina Berta, welanan, su pepe Toya, amiganan di school y juffrouw Dominico.

— x —  
A cumpli 20 anja di edad diadomingo seniorita Edna Tromp. Felicitacion ta bini di su mama Anita, su tata Sildo, rumannan Efi, Elis, Fie, Ronny, Sildo, Wilda, Humvry, amiganan Martina Carolina, senjora Louisa Eduards, Hermanos Sanchez, su amigo B.B.

— x —  
"Mi ta contento cu porfin mi a salba foi nan", el a bisa. "Cu excepcion di Cecil, pasobra t'e ta unico un cu mi ta simpatiza. Pero e ruman pretu ai di die.... che, mi n' tin sanger cu e homber ai".

Pero ta parce mi cu mi no a mira bo papia mes cu Senjor Unwin", Charlotte a defende.

"Figura bo cu sin papia mes cu'e mi ta haña asina repugnante. Corda cu mi a papia mes cu'e anto lo tabata peor".

"E ta un favorito di ministro Disraeli, Vivian".

Lord Chase a queda ta mira su muhe cu atencion i el a mira e bista indigna riba su semblante i el a basha un grito di harimento.

"Ai caramba. Esta bunita. Bo tambe a decidí di bai sinti algu pa politica? Esai ta net un bon cos pa bo, tur profesor loco?"

Charlotte a cesa trobe, pasobra experiencia a sinje di no discuti cu su esposo.

Vivian a continua:

"Mi quier a sa ta foi unda e homber loco ai a sali. E ta parce mi un raza di Spanjo cu su color i cabai pretu".

"Quizas lo por ta un Spanjo e ta tambe. E tambe a ser adopta mescos cu mi".

Vivian a hap i a rek su flohera.

"E maldito pia aqui", el a bisa;

"dokter a bisa mi cu lo por dura ainda 5 seman mas prome cu mi por camna trobe sin kruik, pero ora cu yega asina leu...."

El a hari significativamente i a tira un bista riba Charlotte.

"Mi por bai awor", el a puntra.

A bira ajera noch masha laat i mi ta desea di bai sosega un poco".

"Laat.... cu quico? Sigur cu combersamento over di politica cu e matorai ai, cu e parvenu".

"E no ta parvenu", Charlotte a responde obligatoriamente. "No ta solamente raza i educacion ta haci un persona un Senjor. Vivian! Foi unda cu Dominic Unwin por a sali, e ta un caballero i e tin un caracter sublime".

"Asina", Vivian a bisa: "Ta di com bo ta defende e miembro di camara cu asina arde. Quizas cu e por a move un cuerdo romantica den bo, mi amor?"

E muhe a sinti su cara ta coloriza. I el a cuminsa ta tembla.

"Ai, Vivian, larga mi bai sosega mi culpa awor un rato. Tur loque bo ta desea na haci ta solamente kestion...."

"Caramba! Ta quen tin algo di bisa aqui den cas? Larga esnan cu no conoce bo haci cortesia i semehante soquetadanan cu bo. Pero no lubida cu mi sol conoce bo".

"Bo tampoco no conoce mi", el a bisa, mientras el a bira bleek manera morto. "Bo n' tin un idea com mi ta i lo bo no hanja un idea di esai nunca tampoco".

"B'a bira balente awor. Bo ta risca contradeci mi tambe awor".

Charlotte a bira ta bai, pero Vivian a grit'e asina brutalmente cu e mucha muhe a spanta terrible, pa e personal no tende esauqui.

"Tende, Vivian, no grita asina tanto".

(E ta sigui)

Sea Mama o jioe muher

tur dos ta gusta hunkete!

Un cara atractiva ta haya mas belleza cu un bril moderno.

**ODUBER & KAN**

Opticonan den Nassaustraat No 47

**Oduber & Kan inc.**  
**Opticians tel. 2193**

TA PRESENTA

**Charlotte y su fatal destino**

pa TUYUCHI:

No. 30

N'e mes momento ai e porta dje cuarto di estudio a dal abri. Cecil a camna drenta den su tijostuum.

"Ha, bo t'ai. Dom.... caramba ta buki boso a sinti leza aqui, mientras solo ta ilumina campanan asina ardiente. Boso mester a bai cu nos. Nos a pasa un mainta masha goza."

E homber mas bieu a sonrei.

"Mi tambe a pasa masha goza... i mi a descubri cu nos tur dos tin e mes smaak den muziek i literatura".

"Si. Asina ta en realidad", Charlotte a responde mientras el a lamta para.

Charlotte tabata sintie cayente pa un ardor interior stranjo i e tabatin un sintimento, como si fuera e no tabata solitario mas den e mundo di anar-gura aqui.

Ainda e tabatin e kaarchi di invitacion di Dominic convulsivamente primi den su man. Pero no tabata cu e tabata spera di tabatin mester di haci uso nunca tampoco di dje. Nan cada un tabata bini den un otro mundo — esay completamente ocupa den su carrera — i Charlotte mes den su propio ambiente aqui na Clunes. Sim embargo e mainta ai un pacto a ser cerra entre nan dos. Un pacto cu no tabata posible pa quibra facilmente.

Nan no tabata mas solitario cu otro. E lunch a bira un momento oficial, practicamente un fiesta di nobo cu tur e, huespednan sinta na e mesa grandi den comedor principal. Despues di esauqui cu practicamente tabata lunch di despedida, tur huespednan a bai un pa un i alafin Charlotte tambe mester a bai p'aden cerca su yiu. El a sconde e tarbeta tantem den su blusa. Foi bentana dje cuarto dje yiu e tabata mira e coche ta bai i e tabata mira cu dolor na su corazon com e sher cu tabata bini Dominic i Cecil a bira skina dje caja.

"Awor el a bai", el a pensa; "el a bai — i e si mi por a stima. Foi awor caba mes mi ta stima como mi unico amigo berdadero. I aunque cu mi no mir'e nunca mas, sin embargo lo mi no lubid'e hamas".

Despues cu el a caba di alimenta e yiu, e quier a bai na su mes cuarto, pero den e anchi el a tende su casa ta grita:

"Charlotte, Charlotte, caramba homber ta na unda asina b'a hinka bo curpa muhe infama? Bini aqui inmediatamente!"

Su curazon a zak bai te den su zapato. El a apur'e na bai na cuarto di Vivian. Volpo no tabata aiden. Alnda e corrianan tabata cerra — tabata scur den e cuarto aqui. Tabata hole muf aiden i Charlotte a hanja manera un Miramento di stoma, ora cu el a mira Vivian drumi riba e cama grandi su cabai tur bruha. Su wowo nan tabata corra manera candela.

Su cara tabata palido. Alnda tabatin un botter di binja mitar riba e mesita banda di su cama. Su lakén tabata tur mancha na binja. Wanda dje mesa tabatin un stapel dje lecturanan

cu 38.930 puntos.

3. Sra. Suzanne van der Schoot cu 36.365 puntos.

4. Sra. Belle Julia cu 17.215 puntos, e poedelprijs.

Tabata un angchi masha angia, cu a termina te despues di 12 gr.

A MERDE

Diahuebes A.C. a duna keho pa polis cu e la perde f. 50.— probablemente na San Nicolaas.

Tambe D.J. a duna keho cu e la perde su cartera cu f. 25.— aden, un rifita di Loteria y algun papel mas tambe na San Nicolaas.

Y.W.P. a anuncia polis cu ora e la sali foi e tienda di Super-Ice Cream na Oranjestad, na unda e la compra un super e la ripara cu e la perde su cartera cu f. 11.— aden.

Despues di interrogacion e vendedor a bisa cu e no sa di nada.

Recherche ta investigando e caso.

— x —  
Diadomingo a cumpli e respetable edad di 83 anja, senior Jozef Geerman. Felicitacion ta bini di su yunan Johani, Ogenia, Clotilda, Faustina, Casimira, nietonan, bisnietonan y demas familia.

— x —  
Ayer a celebra su fecha natal Simplicia Leest y ta ser felicita pa su tata Pablo, su mama Antonia, rumannan, omonan, madrina Berta, welanan, su pepe Toya, amiganan di school y juffrouw Dominico.

— x —  
A cumpli 20 anja di edad diadomingo seniorita Edna Tromp. Felicitacion ta bini di su mama Anita, su tata Sildo, rumannan Efi, Elis, Fie, Ronny, Sildo, Wilda, Humvry, amiganan Martina Carolina, senjora Louisa Eduards, Hermanos Sanchez, su amigo B.B.

Final di e atardi aki tabata consisti di e parada di bandera. Na banda tabata keda e trupanan, na centro di e veld e bandera y muziek.

### MESTER PAGA BELASTING Ariba PREMIO DI CYI

**SAN NICOLAS: —** Premionan di placa duna na empleadonan door di e programa di Cypin Your Ideas a wordo delata como entrada ariba cual bealsting mester wordo paga door di e gobierno insular. Den un carta na compania, e cobrador di belasting a pidi pa reporta tur premionan di CYI na su oficina hunto cu e declaracion di entrada di cada empleado, cuminzando pa anja fiscal 1956.

Den envelop di pago di cada empleado ariba e dianan di pago aki (April 8 y 9) lo tin un declaracion di su ganamentonan pa 1956. Esaki lo inclui tambe su premionan di CYI.

Gobierno ta considera e premionan di CYI como entrada ariba cual belasting mester wordo paga, mescos cu ariba sueldo of otro fuentenan di entrada. Sin embargo, no tin un belasting of tarifa special pa. Premionan di CYI lo wordo conta hunto cu otro fuentenan di entrada y e tarifa normal di belasting lo wordo cobra.

No obstante e belasting, e parti mas grandi di ganamento individual for di CYI lo keda como placa extra den saco di e empleado.

Por ehemplo: un homber cu ta gana fls. 6000 pa anja por paga, dependiendo ariba tamano di su familia y participacion den varios plan di compania, un belasting di fls. 191.50 pa anja. Si durante anja el a recibi premionan di CYI na un total di fls. 100, lo no tin ningun belasting extra. Pero si e homber aki a recibi un total fls. 250, su belasting por subi te fls. 206.50. Anto el lo paga solamente fls. 15 extra belasting ariba fls. 250 di entrada extra.

(Esso News)

### PIN DI ES LUNA AKI C.T.A. CONFERENCIA NA BARBADOS

**ORANJESTAD: —** Segun nos a ver informa e di seis aniversario anual di Caribische Touristen Association lo wordo teni na Bridgetown na Barbados.

E conferencia lo tuma lugar di dia 29 te dia 4 di Mei proxo.

No ta conoci ainda e delegacion di Aruba cu lo bai aya.

**E TA UN HOMBER FUERTE**

**ORANJESTAD: —** Bo no por a dal un klap cu bo man envez cu un machete asina huez a puntra. B.T. di sesenta anja, riba cual esaki a responde no se nor pasobra e ta un homber fuerte.

E asunto ta cu dia 1 di December T. a dal su biniña y suegro P.H.G. cu un machete, despues cu G. a bini den cas di T. bao di influencia di alcohol, y a cuminsa pleita, y G. a dal T. un klap, T. a cohe su machete y a cuminsa dal e cu ne.

T. a hanja un boet di f. 75.— J. G. f. 50.— Huez a kita f. 25.— foi cada.

**ACUSADO DI ROBO A HANJA SEIS SIMAN**

**ORANJESTAD: —** Un dama di 21 anja mama di dos jioe P.A.-R. a horta 17 di Februari f. 1200.— foi di un caha di otro hende y ajera e mester a duna cuenta di esei.

E la declara cu e tabatin mester di placa J. su casa su ta navega e no sa mira mes, y e la priminti di paga e placa back poco poco.

Oficial no a hanja esaki bunita. E la exigi un castigo di prison di seis siman, y huez a bisa pa tene e cuenta aki 4 siman mas te ora nan hanja un voorlichtingsrapport y es tempu ei e dama lo keda sera.

**ROBO DI WIEL**

**ORANJESTAD: —** Un persona O.M. V. a duna keho na polis cu nan a horta un wiel completo di su auto marca "Studebaker" den marduga di dia huebes ora e auto ta parkeer dilanti di su casa na San Nicolaas.



# SORPRESA!!

Pone atencion riba e anuncionan di

## Mario S. Arends N.V.

Cuminsa spaar foi di awor

pakki bashi di

## Viceroy y Lucky Strike

botter bashi di Rum Matusalem y

whisky Red Hackle

Hasi bo compranan cerca M.S.A.

y lo bo keda bon





# EL CISCO KID

Por José Salinas y Rod Reed



Guero y e gordito a caba di apodera nan di e equipaje di e waag y no tabata interesa pa e carter di placa y e holoshi di oro di un di e pasaheronan. Di manera cu asina nan tabata cla, nan ta ordena e cocheru: „Laga cai awor cu bo cabainan. Pura". Pero e pover cocheru no keir a laga su companjero tras y ta rponde: „Mi ta bai hiza Kelly prome pa mi hibel". E ora Guero ta tira un vista riba e homber tira na suela y ta bolbe bisa: „Ta inutil. Mihor bo bai. ... of bo tin cu muri manera

ele." E palabranan aki di Guero a cai manera un lanza den curazon di e cocheru bieuw y e no por laga di derrama su lagrimanan di sintimiento pa cu su companjero cu tin cu keda su sol tras. Contra su voluntad, e cocheru ta rancia e bandidonan ey. Pa vida di ... Su gemoed ta yena y yen di tristeza e pover bieuw ta continua su caminda y pura pa yega y conta loka a pasa nan na caminda.

## E VERORDENING NOBO RIBA TRAFICO (II)

Pa: L. Hart  
Onderinspecteur di Polis  
la clase

**Spera (Parkeer)**  
Ta prohibi di spera (parkeer) na e siguiente lugarnan:  
1. Caminda esei ta prohibi pa medio di horchi (e borchinan couci).  
2. Dilanti di un entrada of salida (entrada na garashinan y emanan mester keda liber).  
3. Denter di 5 meter na un di e lugarnan di hanja awa di brandweer (eseman ta e lugarnan caminda e brandspuit mester para ora tin candel, e lugarnan aki ta conoci door di un tapa pisa di heroe na kantoe di caminda y ei tin un horchi blanco vierkant cu B corra ariba — no ta un horchi oficial di trafico).

**Dunamento di senjal y richingawijzer**  
Esnan cu ta mancha vehiculonan mester awa NA TEMPO ora nan ta cambia di direccion. Stuurdonan di auto lo mester bai haci esaki pa medio di richingawijzer, imbe di dia. Sacamento di man (hopi biaha tabata un man slap) no ta necesario mas. Ya cu no ta tur autonan tin richingawijzer, lo dura como seis luna mas prome cu tur hende mester atene nan na e estipulacion aki.

**Bira na links**  
Bramiento na man robes semper ta peligroso, pesi pa haci esaki mas seguro, ademas di dunna senjal di direccion, tambe a introduci un otro medida mas, e „voorsorteren". Esaki kier meen bai prome na man robes di e banda drechi di e caminda, como un senjal EXTRA cu ta bai bira na robes. Si tin otro vehiculo ta bini dilanti mester spera naturalmente te ora e caminda ta liber. Si bo ta cu e banda robes di e vehiculo meimei di e caminda, anto esun cu ta bini bo tras por pasa na banda drechi (si acaso tin suficiente lugar pesi). Pesei pensa ora cu bo sortea (proma voorsorteren), anto sigui bai di golpi na man robes por ta peligroso.

**Senjal pa stop**  
Ora stop di golpi of di repenti baha speed, anto esei mester worde anuncia NA TEMPO. Vehiculonan cu motor mester tin stoplights y ta duna e senjal di stop door di e stoplight cu ta traha riba e brake. E senjal cu bira e ora ei no ta necesario mas. Ta masha peligroso corre mucho serka esun bo dilanti y pesi bo ta obliga bato di tur circunstancia di keda asina leu tras di esun bo dilanti cu semper bai bo por brake. Den e koronan habita ademas ta prohibi di corre menos cu 4 meter tras di un otro (esaki antes tabata 3 meter).

**Senjalnan di pito**  
Stuurdonan di vehiculonan di motor

ta obliga di duna senjal cu pito ora berdaderamente tin peliger pa un otro usado di caminda. Anochi no ta permiti di pita, pero na su lugar mester duna un senjal cu e lusnan cu ta sende paga cu e lampinan dilanti. Ademas den dia ta permiti di duna un senjal cu pito pa anuncia cu bo ta bai pasa.

**Preferencia**  
E reglanan pa preferencia ta valido pa crucenan di caminda y na lugar cu camindanan ta parti y dunamento di preferencia ta di laga e pasashi bo banda keda liber di tal manera cu e otro por sigui corra bai sin ser molestia. Ora un hende ta duna preferencia mester laga henter e punto di e cruce liber y stop di tal forma na tempo of brake poco poco cu e otro por sigui corra sin tin nodi di baha su speed.

Nos ta distingui den e estipulacionnan di preferencia:

1. Camindanan di preferencia door di borchinan — e camindanan aki ta worde anuncia cu e borchinan nobo y na e zijwegen bo por mira na un horchi cu bo ta serkando e cruce caminda mester duna preferencia.  
2. Puntunan di cruce y camindanan cu ta split di preferencia — aki no tin caminda di preferencia, pero, pasobra ei tin un horchi toeb bo mester duna preferencia na e cruce of splitmento ei.

## Damas di Victoria y caballeros di Estrella a obtene triunfo ariba R.C.A. y Mariniers respectivamente

**ORANJESTAD.** — Ariba caacha di R.C.A. na Solito diahuebs anochi a worde hunga dos partido mas di e campeonato di basketball 1957. Den e division femenino a enfrenta otro R.C.A. y Victoria. E ultimo menciona a obtene un resonante triunfo cu score di 28-3. E damasnan di R.C.A. no tabata por e e fuerte defusa di Victoria y ta mienten tres freehots nan a logra anota.

Den e premier quarter caba Victoria a anota diez punto ya permiti R.C.A. a nota uno. Dos punto mas R.C.A. ta logra anota den e segundo quarter, mientras cu Victoria ta anota seis pa pone e score nifi 16-3 na favor di Victoria. E dos ultimo quarternan ta pasa sin cu R.C.A. ta logra anota, pero Victoria si ta anota nueve den e tercer y tres den e ultimo quarter pa asina ta na un paso mas di e subcampeonato di nos isla. Ta sumamente dificil pa Victoria logra un emote den premier liga cu nan rivalnan di S'n Nicolas Jrs.

E partido a termina cu score di 28-3 pa Victoria. Mihor anotadora di Victoria tabata L. Wouten cu 7 punto, mientras cu N. Romer tabata e mihor di R.C.A. cu dos punto. Den cinco salida Victoria tin cuatro triunfo contra un derota. R.C.A. tin den cinco salida dos triunfo y tres derota.

R.C.A.	Pos	Fg	Ft	Pt	Tl	Pis.
T. Arends	rf	0	0	2	0	0
N. Romer	lf	0	2	3	0	2
C. Tromp	c	0	0	2	0	0
J. Franke	rg	0	1	1	0	1
L. Tromp	lg	0	0	0	0	0
S. Odor	0	0	2	0	0	0
H. Volkerts	0	0	0	0	0	0
P. Maduro	0	0	0	0	0	0
		0	3	10	0	3

VICTORIA	Pos	Fg	Ft	Pt	Tl	Pis.
S. Maduro	rg	0	1	1	0	1
L. Wouten	lf	2	3	2	0	7
E. Goeloe	rf	3	0	1	0	6
M. Hens	c	2	0	0	0	4
M. Frank	lg	3	0	3	0	6
S. Ponson	2	0	3	0	0	4
L. Thomson	0	0	0	0	0	0
A. Peterson	0	0	0	0	0	0
M. Daal	0	0	0	0	0	0
		12	4	10	0	28

**Time outs: RCA 4, Victoria 2.**  
**ESTRELLAS 19 MARINIERS 12.**  
Despues di e partido femenino a enfrenta otro di e division B di caballeros Estrella y Mariniers. Den nan penultimo. Nan falta ainda di enfrenta Caribe pa termina e competico.

Estrella no a mira su mes ningun rato den momentonan preta ya cu e reaccion cu a surgi for di e basketbolistanan di Savaneta Kemp tabata te den e ultimo quarter y ya nan no a logra anota suficiente punto pa gana. Asina e novato equipo di Estrella a logra su segundo triunfo den cinco salida. Pa Mariniers a anota, mientras cu Estrella a acumula seis punto. Den e segundo quarter, Mariniers ta anota su premier fieldgoal pa su unico dos punto nan den e quarter aki. Estrella tambe a anota dos pa ainda mantene su ventaja na hulf cu score 8-2. P tercer quarter ta bira e mihor di Estrella ora cu nan ta anota 7 punto y permiti unicamente cuatro. Nan ventaja na final di e tercer quarter a bira 15-6.

Pa Mariniers e mihor quarter tabata e ultimo den cual nan a anota mes tanto punto cu den e tres quarternan anterior huntu. E score final a bira 19-12 na favor di Estrella.

ESTRELLA	Pos	Fg	Ft	Pt	Tl	Pis.
C. Angela	lg	3	0	1	0	6
M. Croes	rg	0	0	0	0	0
E. de Mey	c	3	1	0	0	7
A. Rasmin	rf	2	0	1	0	4
M. Acosta	lf	1	0	1	0	2
I. Crues	0	0	0	0	0	0
L. Rasmin	0	0	0	0	0	0
M. Croes	0	0	0	0	0	0
		9	1	3	0	19

MARINIERS	Pos	Fg	Ft	Pt	Tl	Pis.
T. van Beek	rg	0	0	0	0	0
J. Noordhuizen	lf	0	0	1	0	0
J. Broker	lf	0	0	0	0	0
Faas	c	2	0	1	0	4
J. Diphooen	rf	3	0	1	0	6
F. Wolterbeek	1	0	0	0	0	2
Von Voven	0	0	1	0	0	0
Vrijens	0	0	0	0	0	0
		6	0	4	0	12

Time outs: Estrella 1, Mariniers 0.

## Cumpleaño feliz

Tumbe tabata di fiesta diadomingo Herman Dijkhoff, Oslin Franklin Quijada, 9 aña; Anna Tromp, 11 aña; Josef Geerman Everon, 3 aña; Eva No-guera, 7 aña; Luisito Rolando Donati, 2 aña, kende nan nos ta desea hopi felicidad.

A celebra nan prome aña di union matrimonial ayera e distinguido pareha senor Manuel de Silva y su senjora esposa Seferina Figaron de da Silva, pa nan nos sincera felicitacion.

Awe a cumpli su 17 primavera senjora Betrix Brete, pa cual motivo su mama Leonida, su padrao Crescencio, rumannan Simon, Vito, Augusto, Raynaldo, Juanito, Chimi, especialmente su tantanan Dolorita, Elisa, amiguanan Theresita Brete, Pina Brete, Margarita Webb, Alicia Brete, Mercedes Susanna Kelly y Anna Kelly.

E simpatica hobencita Regina Ruiz, kende ta cumpli 9 aña awe, ta ricibi hopi pabien di su tata Juan, su mama Regina, rumannan Theresita, Antonio, Bettie, Mena, Juan Jr., welo y welan, tanta y omonan, primo y primanan, padrino Julian Ruiz, madrinanan Cecilia Kock, Viola, su juffrouw Johanna Trimon y tur su amiguanan di school.

Su tata Felipe, su mama Petra, rumannan Ina, Domi, Vicente, Hose, Chinda, wela y welonan, tanta y omonan, primo y primanan, amiguanan di school, tambe Ale y Alex Croes, especialmente su madrina Genoveva Croes, su padrino Beni Maduro y demas fami-

lia, ta laga feliciteer e hobencito Felipe Tromp.

Masha pabien nos ta llama senjora Dolores Arends, kende a haci anja awe, na number di su esposo Sixto, juman Jerry, Francis, Harold, Franklin, su mama, rumannan, tantanan, primanan y tur su amiguanan.

Dos anja di feliz existencia a completa awe e encantadora y graciosa u-fita Debra Rose Marie van der Bieck (Debby). Felicitacion ta bini di su tata Soekey, su mama Lala, tantanan Chichi, Chichia, Catien, Carmen, Tjefa, Anna, Chietla, Dina, Anna, Aida, omonan Arle, Diek, Benny, su madrina Alicia Farro, su padrino Victoriano Bermudez, primo y primanan, Landa, Ju-drid, Indrid, Cor y Frenky, su welo Dien, amiguitanan Jacky, Lina, Rudy, Mario, Lucia, Jane y Margaret.

Tambe ta di cumpleaños awe, 20 anja, e simpatica y encantadora senjora Aida Boekhoudt, cu ta ricibi felicitacion sincera di su mama Petra, su rumannan Cornelis, Johannes, Rosalia, Andres, Lidia, Juana, Mario, Violeta, wela Reinetta Werleman, su madrina Mena Winterdaal, su padrino Coly Croes, primo y primanan, tanta y omonan, comper y comernan, especialmente su ihanan Alphonso y Thomas Werleman.

Riba nos lista nos tin tambe number di Maria Presentation Paesch, cu ta recorda su fecha natal awe y ta ser felicitada pa su esposo Pedro, juman Juan Henricus, su mama Anita Henricus, subrinanan Ana, Cornelia, Dominica, Chaliq y esposa, cunjanan Catharina Henricus, Helena y esposo, Jan Paesch y senjora y juman, especialmente di su amiga Franckita Pietersz.

Cu motibo cu e pareha senor S. Jansen y senjora R. de Jansen a celebra nan boda di koper diadomingo, nan ta ricibi felicitacion di nan juman Thomas, Luis, Roy, Betty, Pancho, Ety, Milo, mania Bulbarita Curiel, rumannan, cunja, subrina y subrinanan, wela Dorothea familia Jansen, Curiel, Deluve, Croes, de Cuba, tur amigo y amiguanan.

Awe ta celebra nan cumpleaños tambe: Lucia Casimira Geerman, 2 aña; Maria Magdalena Rasmin, 2 aña; O-maira Margarita de Cuba, 9 aña; Filomena Loefstop, 7 aña y Maria Antonia Farro.

Sincera felicitacion ta bai pa e hobencita Supriana Tromp kende ta celebra su 11 primavera awe. Felicitacion ta bini di su tata Vicente, su mama Maria, su 9 rumannan, su omo y pepe-nan, su juffrouw, tur su amiguanan di 4da klas di St. Annaschool y demas familia y conocinan.

te si esun cu pidie trece un „elgen verklaring", esei kier meen contestando riba un formulario especial cierto preguntanan ei e tin faltanan na su curpa si of no;

c. dos portret;

d. su number di familia y nombrenan dilanti etc. (eventualmente treciendo un identiteitsbewijs).

**LINOLEUM TEXAS FURNITURE STORE**  
Emmstraat 5 - Tel. 1082 - 1083

E rijbewijs di Aruba tambe ta valido riba e otro islanan y vice versa. Un hende cu bai Corow auto lo no tin mester di un otro rijbewijs (e verordening di trafico di Corow ta casi mescos cu esun di Aruba).

**REMETIDO (for di responsabilidad di redaccion)**

Señor Redactor,  
Permitimi un espacio den bo corant pa mi publica algun situacion triste cu ta existi. Di antemano mashar danki.

E vehiculonan cu ta carga number di „Bus" y cu ta transporta e muchanan di school ta den un estado asina deplorabel, cu ta pone hende duda si nan tambe ta wordu somet na un „Keuring" door di polis. No ta mucho tempo, cu e tarifa pa cada muchu a wordu aumenta, pero te ainda ta existi e mes un situacion triste, cu e Compañia no ta provee bastante bus. Asi na ta cu hopi di e muchanan CHIKI-TU tin di keda para durante henter e trayecto. Awor pa colmo tin algun di e chauffeurnan conoce of no ta importa nan e responsabilidad pa bida di e muchanan cu nan ta transporta.

A sosode cu ora e chauffeur tuma un lorada di „brake" e chikitanan cu ta para ta wordu benta na suela di primi otro of gezwaaai contra e asieplonah di heroe of pañe. Si ta un rasgo sol nan a hanja, Dios gracias, pero awor si sosode un accidente serio, supona un di e muchanan kibra un brasa. TA KENDE TA RESPONSABEL??

Na e sociedad Arubano pa Trafico Seguro mi ta haci un suplica, pa favor mejora e situacion aki.

Tambe mi ta hala atencion di e Doño di e Compañia di Bus, riba es siguiente punto. Mi no ta sigur si den tur e busnan ta mescos, pero den e Bus No. 6 ta triste. Den e bus No. 6, cu ta transporta e muchanan di Per-kietenbosch, e muchanan nan bida ta continuamente na peliger pa e motibunan ariba menciona. Ademas e chauffeur ta trala e muchanan di un manera bruto en bez di yuda nan. Ora cu un di e muchanan ta fastioso el no ta scualnan pero e „senjor" a llega asina leeuw cu e ta usa palabranan IN-SOLENTE cu e muchanan. Un trahador mester ta adecuado pa e trabao cu e ta haci.

J.M.H.

## PIJN IN DE LENDEN?

Als U last hebt van pijn in de lendenen, de rug of gewrichten, is dat mogelijk te wijten aan de nieren of de lever.

### Dr CHASE PILLEN

helpen de nieren bij het verwijderen van onzuiverheden uit bloed, de oorzaak van de pijn en stimuleren de werking van de lever bij de productie van de gal welke van onschatbare waarde is voor een goede spijsvertering.

### Dr CHASE PILLEN

werken niet gewoontevormend. Zij springeren de werking van de lever en de nieren snel en efficiënt. Verkrijgbaar bij alle houthers.

## Eczema Itch Killed in 7 Minutes

Your skin has nearly 60 million tiny gaps and pores where germs hide and cause terrible itching, swelling, Eczema, Psoriasis, Burning, Acne, Ringworm, Pimples, Blackheads, Fingernails, Patches, etc. Ordinary treatments give only temporary relief because they do not kill the germ cause. The new discovery, Uxoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Uxoderm from your chemist today.

**Uxoderm**  
in Skin Troubles

ALL KIND OF FEEDS



A.G. Th. ARENDS  
Tel. 1625 - 1250

**YARDLEY LAVENDER**  
LAV., JEL, ZEEP, TALK, BABYPOW, TOILET POWDER EN BRILLIANTINE  
YARDLEY & CO. 33 OLD BOND STREET - LONDON

**Uw beste aankopen zijn:**  
**Exide ACCU'S**  
voor alle accu behoeften

Ontworpen van de eerste auto accu en nog steeds de leider... Exide biedt U een zeer grote sortering accu's tegen concurrerende prijzen. Komt ze vandaag zien!  
Exide Accu's voor auto's, trucks, tractoren, motorboten, luchtvaartuigen, enz.

**Distributors: ARUBA TRADING COMPANY**

## PA MAS ENERGIA: BEBE MALTA CORONA

**PEPITA**  
Por CHIC YOUNG

Nan ta bati na porta y Pepita ta bai mira ta kende. Ora ei a habri e porta e ta mira e homber di dry-cleaning, cu ta puntrcle: „Senjora tin algo pa manda dry-clean?". Pepita ta constata: „Si, un carson, warda un rato." Mientras e homber ta warda, Pepita ta bolbe cu un carson di Lorenzo, cual e ta sacudi y registra, bisando: „Lagami mira si e por a lubida algo den su saco...". E ta busca hon den su saconan y despues ta hanja algo toch.

Pepita ta sakele y ta exclama di alegria: „Esta bon no? Un brichechi di diez dollar." Precisamente e ora Lorenzo tabata le-sando su corant y ta tende Pepita, loke a estemeccele, pasobra e sa cu ei a perde e placa ey den man di Pepita. No tin awa pa laba mas, Pepita a hanja e placa y ta keda cume tambe. Lorenzo no por a haci nada mas, cu lamta for di su stoel y bisa Pepita: „Dios laga e carson keda mes limpi cu ami a keda."